

32

Empat dari
Persisi
hadiri
sidang di
-8 MAR 1980
Jakarta

Pencak silat
EMPAT orang anggota Persekutuan Silat Singapura (Persisi) akan hadir di sidang penubuhan Persekutuan Silat Antarabangsa yang akan berlangsung di Indonesia.

Rombongan itu diketuai oleh Anggota Parlimen Kolam Ayer, Encik Sidek Saniff, dengan dibantu oleh Encik Johari Mohd. Uriff yang juga sebagai setiausaha rombongan dan setiausaha Persisi, Encik Ariff Zahari, pengarang utama projek buku silat dan Encik A. Rahman Ismail, jawatankuasa program kegiatan.

Rombongan itu akan berlepas pada 9.00 pagi ini ke Jakarta, untuk menghadiri sidang yang akan diadakan hingga 11 Mac.

Penubuhan persekutuan antarabangsa itu akan dianggotai oleh Singapura, Indonesia dan Malaysia, sementara Brunei sebagai pemerhati yang aktif.

Dia menambah, antara lain mereka akan membincangkan tentang pengistiharan penubuhan persekutuan itu, sistem pertandingan silat olahraga, perbincangan buku silat tiga negara dan mengatur kegiatan-kegiatan yang akan dijalankan pada 1980/81.

Persekutuan Silat Antarabangsa akhirnya ditubuh

14 MAR 1980
PERSEKUTUAN Pencak Silat Antarabangsa (Persilat) telah ditubuhkan selepas persidangan empat hari yang dihadiri oleh Singapura, Indonesia dan Malaysia yang berlangsung di Jawa Barat awal minggu ini.

Pembentukan persekutuan tersebut bertujuan untuk mengembangkan lagi seni pertahankan diri itu agar menjadi lebih popular di kalangan bangsa-bangsa lain sebagai satu cabang sukan.

Wakil-wakil dari ketiga-tiga negara tersebut telah mengadakan perbincangan yang mendalam mengenai perlembagaan persekutuan tersebut, menyetujui dan menyelaraskan sistem pertandingan silat sebagai satu cabang sukan dan juga mengenai pengadil dan juri pertandingan.

Singapura telah diwakili oleh Encik Sidek Saniff, Anggota Parlimen (Kolam Ayer), yang juga merupakan Timbalan Presiden Persekutuan Silat Singapura (Persisi),

Encik Johari Uriff (setiausaha), Mohd. Ariff Zahari (penolong setiausaha) dan Encik A. Rahman Ismail.

Malaysia diwakili oleh dua orang pegawai dari Kementerian Kebudayaan, Belia dan Sukan, Encik Zainalabidin Abu Zarin dan Encik Hanafi Ahmad.

Pengadil

Sementara Indonesia pula diwakili oleh pegawai-pegawai dari Ikatan Pencak Silat Indonesia (IPSI) yang terdiri dari Kol. Edey M. Nayaprata, M.D. Junaedy, Oyong Karmayuda dan Harsoyo.

Encik Oyong Karmayuda telah dilantik menjadi setiausaha agung Persilat.

Dalam perbincangan yang dijalankan itu, mereka telah mengatur rancangan kegiatan yang bakal dijalankan oleh Persilat untuk tahun ini dan tahun depan.

Kegiatan tersebut bermula dengan pertandingan Pesta Silat Tiga Negara yang akan berlangsung di

Pangung Negara pada 25 dan 26 April ini.

"Kami telah dibenarkan untuk menganjurkan pesta ini dan akan mengundang ahli-ahli silat dari Malaysia dan Indonesia untuk pesta dua malam itu," kata Encik Johari Uriff, setiausaha Persisi kemarin.

Persilat juga telah bersetuju untuk menganjurkan kursus-kursus untuk juri dan pengadil silat serta perkara-perkara teknikal dalam bidang silat. Kursus itu dijadualkan berlangsung pada Februari tahun depan di Malaysia.

Persisi juga telah melantik Haji Ya'acob Mohammad, presiden Persisi untuk duduk dalam Dewan Kehormatan Persilat bersama dengan Encik Mansor Haji Sukaimi, Anggota Parlimen (Kampung Kemangan).

14 MAR 1980
Wakil-wakil Singapura yang dilantik duduk dalam Dewan Presidium Persilat ialah Encik-encik Sidek Saniff, Johari Uriff dan A. Rahim Dayan. Tiap negara dibenarkan mengemukakan tiga orang wakil untuk dewan ini.